

Werk

Titel: Thesaurus Iuris Executivi Rutgeri Rulant, Icti. Quadripartitus

Untertitel: Quarum Pars Prima exhibet usum verum executivum, mediante Brachio Eccles lastico, Seculari, Regio, Et Militari, Eorumque imploratione. Secunda, exactam praecipuarum Rerum Civilium tractationem ... Tertia, perfectam manuuctionem Executioni Rerum Criminalium inservientem. Quarta, Decem Classes Relationum, Actorum ac Votorum Cameralium praedictis materiis accommodatarum ... Atque Ita His Quatuor Partibus, Non Solum Executionis Materia fructuosissima continentur, sed & diversae per totum ius privatum dispersae materiae videlicet ...

Verlag: Author; Weissius

Ort: Francofurti ad Moenum; Francofurti ad Moenum

Jahr: 1624

Kollektion: VD17-Mainstream

Digitalisiert: Niedersächsische Staats- und Universitätsbibliothek Göttingen

Werk Id: PPN755514025

PURL: <http://resolver.sub.uni-goettingen.de/purl?PPN755514025>

OPAC: <http://opac.sub.uni-goettingen.de/DB=1/PPN?PPN=755514025>

LOG Id: LOG_0004

LOG Titel: Ad Lectorem.

LOG Typ: preface

Terms and Conditions

The Goettingen State and University Library provides access to digitized documents strictly for noncommercial educational, research and private purposes and makes no warranty with regard to their use for other purposes. Some of our collections are protected by copyright. Publication and/or broadcast in any form (including electronic) requires prior written permission from the Goettingen State- and University Library.

Each copy of any part of this document must contain there Terms and Conditions. With the usage of the library's online system to access or download a digitized document you accept the Terms and Conditions.

Reproductions of material on the web site may not be made for or donated to other repositories, nor may be further reproduced without written permission from the Goettingen State- and University Library.

For reproduction requests and permissions, please contact us. If citing materials, please give proper attribution of the source.

Contact

Niedersächsische Staats- und Universitätsbibliothek Göttingen
Georg-August-Universität Göttingen
Platz der Göttinger Sieben 1
37073 Göttingen
Germany
Email: gdz@sub.uni-goettingen.de

AD LECTOREM.

QUOMODUM Omnis Iudiciorum vis & efficacia in executionibus rerum iudicatarum consistat, adeo ut sine hac cause cognitio ac diiudicatio non solum frustranea, sed & iudicia ipsa utpote effectu carentia reddantur, ac habeantur elusoria: unde sententias, hac deficiente, Campanas sine pistillo vocitare solent; Iccirco Iudices nihil merito prius, nullamque curam potiore habere debebant, quam ut ea, quæ post exactam causæ cognitionem ac trutinatorem decreta decisaque sunt, protinus executioni mandentur. Id autem cum in plerisque, grauioribus præsertim causis, non semper fieri, sed executiones multoties protrahi ac retardari testetur experientia, fit ut multi, præsertim ii, quorum res agitur, non solum ea de re conquerantur, sed & Iudicum tarditatem culpæ soleant. Quibus cum idem quod ægrotis & morbo aliquo affectis usu veniat, qui morbum quidem eiusque dolores sentiunt, causam autem eius nesciunt; Non abs re fuerit, causam eius mali breuiter aperire: Eam ego duplicem esse, & ut cetera omnia, quæ Iudici occurrunt, vel in facto vel in iure consistere iudico. In facto ipsam exequendi facultatem pono; illam n. non inferioribus solum, sed supremis etiam iudicibus sæpe deesse cernimus, ita, ut sententias suas, licet maxime velint, rei difficultate præpediti executioni demandare nequeant: In iure aut ipsam exequendi ius ac modum constituo, quæ propter rerum exequendarum qualitatem maximis multoties impedimentis implicantur: siue enim in rebus ecclesiasticis, siue ciuilibus, siue criminalibus executio occupetur, variæ sese offerunt difficultates: circa ecclesiasticas quidem, quod inter horum antistites, & seculares multæ controuersiæ & de personis & rebus executioni obnoxii, cuius sint fori, quoad hunc punctum, exoriantur: In criminalibus, quod famam plerumque, vel maximam fortunarum partem, imo vitam etiam ipsam multoties concernant, eoque cautiùs ac maiori cum deliberatione procedendum. Quoad ciuilia, licet de bonis hic tantum agatur, quia tamen ob varias rei circumstantias multa dubia enascuntur, eaque ob diuersarum iuris materiarum concursum Iudicem in iis vel non satis instructum, vel rerum earum præiudicia ac fundamenta in promptu haud habentem perplexum reddant, executiones sæpenumero magno cum partium litigantium tædio ac detrimento protrahuntur, cuius rei infinita exempla, ni odiosa forent, referri possent. Remedia quidem hisce malis multi ex iuris nostri interpretibus afferre conati sunt, dum ad prædictas difficultates in facto consistentes remouendas, de remediis subsidialibus, Invocatione videl. brachii Ecclesiastici, Secularis, Regii & Militaris, literis mutui compassus, rogatorialibus, indultis, aliis que similibus multa passim accumularunt: Verum cum confuse id ac sparsim, nulloque seruato conuenienti ordine ab iis, prætermissa videlicet disquisitione de origine, etymologia, diuisionibus, contrariis, cæterisque ad plenam & perfectam cuiusque rei tractationem requisitis, factum sit: vsus autem brachii in Germania valde frequens, etiam apud Protestantes imperii Status (uti ordinationes Electoris Brandeb. Tit. 1. part. 1. §. 27. indicant) vigeat, operæ precium me facturum arbitratus sum, si promissionis annis superioribus à me factæ memor, ea quæ sparsim, nulloque seruato ordine, ab interpretibus de hoc executionis remedio ad tollendam facti difficultatem prodita sunt, in vnum corpus colligerem, & rescatis superfluis heterogeniisque; retentis autem necessariis, & superadditis quæ ab aliis prætermissa sunt, breui methodo ac peculiari tractatu comprehenderem, adiunctis aliorum laboribus, videlicet integro Tractatu de vtroque Brachio Martini de Fano; quem omnes in hac materia antesignanum & testem aduocant, eo fine, ut in promptu haberetur, ac quomodo contenta ab aliis allegata cum mente authoris conueniant, inspicere possit; nec non LODOVICI Rhodolphini de Sabloneta neruosiùs hac prosequentis; Multis insuper ex aliorum scriptis hinc inde,

AD LECTOREM.

inde insertis & adiectis, in eum precipue finem, ut illi, qui contenta mei tractatus, quasi nimis ecclesiasticis rigida, in odium deducere hucusque conati sunt, alios etiam meam in sententiam fere per omnia condescendere, eosque etiam, quos illi ipsi oraculi instar habent, mecum consentire deprehenderent; Superadditis quoque, tanquam vicinis, novis traditionibus eorum, qui recte huc brachium militare, ut & ex parte Regum accommodarunt. Atque ita huic via facti satis succursum puto: Juris autem via, etsi, quoad Ecclesiastica prore nata sat subuentum, diligentiores facile deprehendent, latior tamen & aditu difficilior rerum civilium & criminalium campus, variaque difficultates, & dubia in ea, pro diuersitate materiae, civilis scilicet aut criminalis, occurrunt, quae executiones plerumque retardare vel protrahere solent, ad quae tollenda, licet multi non contemnendam operam praestiterint, praeter ceteris tamen omnibus, mea quidem opinione, palmam ferunt, *ASINIVS* in civilibus, & *CARTHARIUS* in criminalibus. Ille enim, ut praetices erat peritissimus & doctissimus, teste Marzaria, in epitome fideicommissi: num. 61. cum longa experientia edoctus cerneret, alios nil nisi modum exequendi (vti & ipse antea fecerat in praxi Florentina aliquot capitibus) praescribere, nucleum autem ipsum, hoc est, materias in executionem venientes vix ac nec vix quidem attingere, manum opere admoovit, omnesque quae in executionem venire possunt materias singulari cura integro opere ita complexus est, ut quaevis per se sola sic excussa, tractatus nomen merito mereatur, in eoque totus fuit, ut Iudex exequi volens cunctas materias, sparsim diffusas, vno complexu & volumine in promptu haberet. Etenim non solum practicae, de iure videlicet debitorum & creditorum, eorumque praedatione, statutis, gabellis, praescriptionibus, iuramentis, & instrumentis, maxime gaurentigiatis, paratam executionem habentibus, plenius & luculentius quam ceteri pertractauit, sed etiam plures in foro quotidianas, ab aliis vel omittas, vel superficialiter tantum expositas; videlicet, de datione & adiudicatione in solutum, officio Iudicis, oblatione, & depositione, carcere & carceratis, subhastationibus & licitationibus, ex iure communi, mediaque praxi, tam plene & copiose deduxit, ut Iudicibus in civilibus exequi volentibus nihil plane deesse, eosque nulla amplius difficultas remorari possit. Et quod *Asinius* in civilibus, id *Chartarium* in criminalibus praestitisse dicent mecum omnes, qui tractatum eius, de execut. sentent. contumacialis capto Bannito, penitus excusserint. Licet autem triplici hac, ecclesiastica, criminalis & civilis executionis tractatione, omnibus, siue ex facto, siue iure prouenientibus impedimentis occursum, Iudiciq; satis prospectum subuentumque fore existimem; ne tamen in praxi quicquam dubii superesset, & ut praedictis res redderetur illustrior, exempla aliquot Cameralia in decem classes distributa, è relationibus & votis Assessorum autographis petita, ad ecclesiasticam, civilem & criminalem materiam conferentia adieci, certo mihi persuadens, si suae cuique classi similia à doctioribus, tractu temporis, siue publice, siue priuatim, adjiciantur, in thesauro hoc nihil desideratum iri amplius. Qua mea opera, ac labore, si propositum mihi finem, (vti spero) aliqua saltem ex parte assecutus fuero, & praedictis difficultatibus remedium aliquod attulero, erit quod gaudeam; sin minus, in magna hac re vel voluisse, & peritioribus ad meliora perfectioraque proferenda incitamentum praebuisse sat erit. Tu, Lector beneuole, hisce fruere ac Vale.

(O)

33

TRACT.